

卷十

書名 禮記註疏六十三卷
 撰者 漢 鄭玄 注, 唐 陸德明 音義, 唐 孔穎
 達 疏
 卷 卷十
 內容分類 經 禮 禮記 唐
 索書號 經部 彙刻 1
 編號 A 232600

彩色首頁1

東洋文化研究所漢籍目錄 編號: A 232600

東洋文化研究所漢籍目錄所藏漢籍善本全文影像資料庫 索書號: 經部 彙刻 1

漢籍善本全文影像資料庫文本禮記註疏六十三卷

版權所有: 東京大學 東洋文化研究所

使用上的注意事項

禮記註疏卷之一

漢鄭氏註

唐孔穎達疏

禮記

○陸德明音義曰此記

疏

正義曰夫禮者經天地

地未分之前故禮運云夫禮必本於太一是天地未
 分之前已有禮也禮者理也其用以治則與天地俱
 興故昭二十六年左傳稱晏子云禮之可以為國也
 久矣與天地竝但于時質略物生則自然而有尊卑
 若羊羔跪乳鴻雁飛有行列豈由教之者哉是三公
 既判尊卑自然而有但天地初分之後即應有君臣
 治國但年代縣遠無文以言案易緯通卦驗云天皇
 之先與乾曜合元君有五期輔有三名公卿大夫也又云
 事五行王亦有五期輔有三名公卿大夫也又云遠
 皇始出握機矩註云遂皇謂遂人在伏犧前始王天

者云至於今既畢獻之後此所揚之解是謂之杜舉
 表明此爵實杜蕢所舉。○畢獻獻賓與君。○正義
 曰知獻君與賓者與杜蕢此舉爵在燕禮之初賓
 主既入得杜蕢之言不可即廢唯獻君與賓燕事則
 止皇氏以為至於今謂記錄之人至於今為記之時
 謂之杜舉春秋云晉侯飲酒樂膳宰屠蒯趨入請佐
 公使尊許之而遂酌以飲工曰女為君耳將司聰也
 辰在子卯謂之疾日君徹宴樂樂人舍業為疾故也
 君之卿佐是謂股肱股肱或虧何痛如之女弗聞而
 樂是不聰也又飲外嬖嬖叔曰女為君目將司明也
 服以旌禮禮以行事事有其物物有其容今君之容
 非其物也而女不見是不明也亦自飲曰味以行氣
 氣以實志志以定言言以出令臣實司味二御失官
 而君弗命臣之罪也案春秋與此小異亦所聞不同
 或二文互
 相足也

禮記註疏卷第九 終

禮記註疏卷第十

漢鄭氏註

唐孔穎達疏

檀弓下

公叔文子卒。○文子衛獻公之孫名拔或作發。○拔蒲
 八反

其子戌請諡於君曰日月有時將葬矣請所以易其

名者。○諡者行之迹有時猶言有數也大夫士三月

而葬。○行下孟反。君曰昔者衛國凶饑夫子為粥與國之

餓者是不亦惠乎。○君靈公也。○音祝。昔者衛國有難



夫子以其死衛寡人不亦貞乎難謂魯昭公二十年盜殺衛侯之兄縶也時齊豹作亂公如死鳥

反註夫子聽衛國之政脩其班制以與四鄰交衛國

之社稷不辱不亦文乎班制謂尊卑之差故謂夫

子貞惠文子後不言貞惠者文足以兼之

子○正義曰此一節論謂君誅臣之諡法各依文解

之○文子至作發○正義曰案世本衛獻公生成

子當當生文子拔拔是獻公孫也或作發者以春秋


左氏傳作發故云或作發○請所以易其名者生存

之日苦呼其名今既死將葬故請所以誅行為之作

諡易代其名者○難謂至死鳥○正義曰案昭二

十年左傳云衛公孟縶狎齊豹奪之司寇與郵公孟

惡北宮喜褚師圃欲去之公子朝通于襄夫人宣姜



懼而欲以作亂故齊豹北宮喜褚師圃公子朝作亂
丙辰衛侯在平壽公孟有事於蓋獲之門外又云齊
氏用戈擊公孟宗魯以背敵之斷肱以中公孟之肩
皆殺之公聞亂乘驅自閱門入載實以出又云公如
死鳥註云死鳥衛地○故謂至文子者案諡法愛民
好與曰惠外內用情曰貞道德博文曰文既有道德
則能惠能貞故鄭云後不言貞惠者文足以兼之案
文次先惠後貞此先云貞者以其致死衛君事重故
在前上先言惠者
據事先後言之

石駘仲卒駘仲衛大夫石碯之族無適駘大來反 碯七略反

子有庶人六人卜所以為後者莫適立也

同曰沐浴佩玉則兆言齊絜則得吉兆五

人者皆沐浴佩玉石祁子曰孰有執親之喪而沐浴

佩玉者乎不沐浴佩玉註心正且知禮石祁子兆衛

人以龜為有知也註石駘至知也。正義曰此一節

之。上所至則兆。既有庶子六人莫適立也故卜

所以堪為後者其掌上之人謂之曰若沐浴佩玉則

得吉兆所以須有卜者春秋左氏之義故昭二十六年

云年鈞以德德鈞以卜王不立愛公卿無私若公

羊隱元年云立適以長不以賢立子以貴不以長何

休云適夫人無子立右媵右媵無子立左媵左媵無

子立嫡姪娣嫡姪娣無子立右媵姪娣右媵姪娣無

子立左媵姪娣質家親親先立弟文家尊尊先立姪

嫡子有孫而死質家親親先立弟文家尊尊先立孫

其雙生也質家据見立先生文家据本意立後生何

休作膏盲難左氏云若其以卜隱桓以禍皆由此作

乃口古制固亦謬矣鄭箴之云立長以嫡不以賢固

立長矣立子以貴不以長固立貴矣若長均貴均何

以別之故須卜禮有請立君卜立君是有卜也是從



左氏之義。孰有至者乎。居親之喪必衰經惟悴安有居親之喪而沐浴佩玉者乎言不可鄭云心正且知禮者不信邪言是心正居喪不沐浴佩玉是知禮也

陳子車死於衛其妻與其家大夫謀以殉葬註子車齊

大夫定而后陳子亢至以告曰夫子疾莫養於下請

以殉葬註子亢子車弟孔子弟子下地下○亢音剛

養羊尚反又苦浪反子亢曰以殉葬非禮也雖然則彼疾當養

者孰若妻與宰得已則吾欲已不得已則吾欲以二

子者之為之也註度諫之不能正以斯言拒之已猶

止也○度大於是弗果用註果決疏陳子至果用○

論殉葬非禮之事各依文解之。○**註**子亢至弟子。○正義曰知孔子弟子者以論語陳亢問於伯魚與伯魚相問故知孔子弟子又知子車齊大夫者昭二十六年左傳齊師圍成魯師及齊師戰于炊鼻魯人將擊子車子車射之殪鄭蓋據此謂齊大夫知亢是子車弟者以子車之妻謀欲殉葬子車子亢不能止之若是子車之兄當處分由已故知是子車弟也。○子亢至之也子亢既見兄家謀殉葬非禮之事自度不能止故云殉葬非禮也又云雖非禮彼疾當養者彼死者疾病當須養侍於下者以外人疏誰若妻之與幸言妻幸最親當須侍養若得休已不須侍養吾意欲休已若其不止必須為殉葬則吾欲以妻之與幸

子路曰傷哉貧也生無以為養死無以為禮也孔子曰啜菽飲水盡其歡斯之謂孝斂手足形還葬而無槨

稱其財斯之謂禮

註還猶疾也謂不及其日月。○**啜**反叔或作菽音同大豆也王云熬豆而食曰啜叔斂力檢反還音旋後同稱尺證反下註之稱同。○**斂**子路至謂禮。○正義曰此一節論孝子事親稱家之有無之事。○孔子至謂禮孔子以子路傷貧故答之云啜菽飲水以菽為粥以常啜之飲水更無餘物以水而已雖使親啜菽飲水盡其歡樂之情謂使親盡其歡樂此之謂孝答上生無以為養。○斂手足形者親亡但以衣棺斂其頭首及足形體不露還速葬者無槨材稱其家之財物所有以送終此之謂禮答上死無以為禮。

衛獻公出奔反於衛及郊將班邑於從者而后入。○**註**欲

賞從者以懼居者獻公以魯襄十四年出奔齊二十

六年復歸於衛。○**從**才用柳莊曰如皆守社稷則孰

執羈勒而從如皆從則孰守社稷

言從守若一
綱也。羈音基勒丁。君反其國而有私也。母乃不可。

乎
言有私則生怨。弗果班。

衛獻至果班。正義曰：此一節論衛君歸國不合私賞從者之事。○

經直云班邑於從者鄭知以懼居者見下柳莊云如皆從則孰守社稷為居者而言明知獻公欲懼居者也。故左傳云獻公反國使人責大叔儀是也。知獻公

以魯襄公十四年出奔齊者案襄十四年左傳云衛獻公戒孫文子甯惠子食二子皆朝服而朝日盱不

召公射鴻於囿二子從之公不釋皮冠而與之言二子怒故攻公公出奔齊二十六年傳云甯惠子之子甯喜以父言攻孫氏而納衛侯二十六年復歸于衛

足獻公以魯襄公十四年出奔二十六年復歸于衛也。

衛有大史曰柳莊寢疾公曰若疾革雖當祭必告

革
急也。○革本又作亟。公再拜稽首請於尸曰有臣柳

莊也者非寡人之臣社稷之臣也聞之死請往

急
弔賢者不釋服而往遂以禭之

禭
親賢也所以此禭之者以其不用襲也凡禭以斂


音遂脫本亦作說。又作稅同他活反。與之邑裘氏與縣潘氏書而納諸

棺曰世世萬子孫母變也

所以厚賢也
裘縣潘邑名。○縣音玄註。衛有至變也。○正義曰此一節論

同潘普干反。君急弔臣之事柳莊為衛大史今寢疾其家自告公報之曰若疾急困雖當我祭必須告也其後柳莊果當公祭之時卒而來告公公祭事

雖了與尸為禮未畢公再拜稽首請於尸曰有臣柳莊也者才能賢異非唯寡人之臣乃是社稷之臣今聞之身死請往赴之又不釋祭服即往哭遂以所著祭服脫而禭之又與之采邑曰裘氏及縣潘氏與二邑又書錄其賞辭而納之棺云世世恒受此邑至萬世子孫無有改變案禮君入廟門全為臣請尸得言寡人者是後人作記者之言也。○**禮**脫君至以斂。○正義曰案士喪禮君使人禭不云祭服禭臣今君以祭服禭故云親賢也得以祭服禭之者禮諸侯玄冕祭廟大夫自玄冕而下以其俱是玄冕故得禭也祭服既尊得以禭臣者以其臣卑不敢用君禭衣而襲之也所以不用襲者襲是近尸形體事褻惡故不敢用君之禭衣也案士喪禮云君禭衣及親者及庶兄弟之禭皆不用襲故士喪禮云庶禭繼陳不用註云不用不用襲也至小斂則得用庶禭故士喪禮小斂凡十有九稱陳衣繼之不必盡用鄭云陳衣庶禭也既云不必盡用明有用者至大斂得用君禭故士喪禮大斂君禭祭服散衣庶禭凡三十稱又云君禭不



倒是大斂得用禭也云凡禭以斂者謂庶禭以小斂君禭以大斂也鄭言此者明禭衣不用襲也

陳乾昔寢疾屬其兄弟而命其子尊已曰如我死則必

大為我棺使吾二婢子夾我 **禮** 婢子妾也。○乾音干。屬之玉反。

夾古洽反。陳乾昔死其子曰以殉葬非禮也况又同棺乎

弗果殺 **禮** 善尊已不陷父於不義。○陳乾至果殺。○正義曰此一節

論人病時失禮也。○屬其兄弟而命其子尊已者尊已乾昔子名也兄弟言屬于云命輕重之義也。○曰如我死者此所屬命辭也欲言其死後事也。○則必大為我棺使吾二婢子夾我者婢子妾也屬命云令大為已棺又使二妾夾已於棺中也。○陳乾昔死者陳乾昔既屬兄弟之後而死且言陳乾昔者謂亦父嬰疾病或陳乾昔總是人名但先儒無說未知孰是案春秋魏顆父病困命使殺妾以殉又晉趙孟孝伯

並將死其語偷又晉程鄭問降階之道鄭然明以將死而有惑疾此等並是將死之時其言皆變常而論語曾子曰人之將死其言也善但人之疾患有深有淺淺則神正深則神亂故魏顆父初欲嫁妾是其神正之時曾子云其言也善是其未困之日且曾子賢人至困猶善其中庸已下未有疾病天奪之魂魄苟欲偷生則趙孟孝伯程鄭之徒不足怪也


仲遂卒于垂壬午猶繹萬入去籥註春秋經在宣八年

仲遂魯莊公之子東門襄仲先日辛巳有事於太廟

而仲遂卒明日而繹非也萬于舞也籥籥舞也傳曰

去其有聲者廢其無聲者○釋音亦去羌呂反註同籥羊勺反仲尼曰

非禮也卿卒不繹註仲遂至不繹○正義曰此一節論卿卒重于繹祭之事春



秋至聲者○正義曰此經所云者春秋經文案宣八年六月辛巳有事於太廟仲遂卒于垂是也云仲遂魯莊公之子東門襄仲者世本及左傳文也云萬于舞也籥籥舞也者案宣八年公羊傳云萬者何于舞也籥者何籥舞也萬是執于而舞武舞也即文王世子云春夏學干戈是也籥舞執羽吹籥而舞文舞也文王世子云秋冬學羽籥是也云傳曰去其有聲者廢其無聲者亦宣八年公羊傳文云去其有聲謂去籥舞以吹籥有聲故也廢其無聲謂廢留萬舞而去以萬舞無聲故也鄭志答張逸云廢置也於去聲者為廢謂廢留不去也然鄭引萬于舞籥籥舞雖是傳文鄭翦略其事不全寫傳文故於後始稱傳曰去其有聲廢其無聲以二句全是傳文也

季康子之母死公輸若方小註公輸若匠師方小言年

尚幼未知禮也斂般請以機封註斂下棺於椁般若

之族多技巧者見若掌斂事而年尚幼請代之而欲

嘗其技巧

○般音班註及下同封彼驗反技其綺反下同

將從之

時人服

般之巧公肩假曰不可夫魯有初

視豐碑

言視者時僭天子也豐碑斫大木為之形如石碑於椁前後四角樹之穿中於間為鹿盧下棺

以綽繞天子六綽四碑前後各重鹿盧也

○碑被皮反後皆同斫丁角反綽音律繞而沼反重直龍反

反僭于念


三家視桓楹

時僭諸侯

諸侯下天子也斫之形如大楹耳四植謂之桓諸侯

四綽二碑碑如桓矣大夫二綽二碑士二綽無碑

下



戶嫁反植時力反

般爾以人之母嘗巧則豈不得以

字言誰有強使女者與僭於禮有似作機巧非也以

與已字本同

○爾呂古以字強其丈反女音汝與音餘下苦與同

其母以嘗巧

者乎則病者乎

母無也於女寧有病苦與止之

無噫

不寤之聲

○噫於其反

弗果從

季康至果從○正義曰此一節

論非禮嘗巧不從之事○季康子母死公輸若為匠

師之官年方幼小主掌窆事欲下棺斂於壙中其若

之族人公輸般性有技巧請為以轉動機關窆而下

棺時人服般之巧將從之時有公肩假止而不許曰

不可為機窆之事夫魯有初始舊禮公室之喪視豐

以人母試已巧事誰有強偏於女而為此乎豈不得
 休已者哉又語之云其無以人母嘗試已巧則於女
 病者乎言不得嘗巧豈於女有病公肩假既告般為
 此言乃更意而傷歎於是眾人遂止不果從般之事
 ○**註**公輸若匠師○正義曰以匠師主窆故鄉師云
 及窆執斧以泣匠師是也○**註**言視至虛也○正義
 曰凡言視者不正相當比擬之辭也故王制云天子
 之三公視公侯卿視伯大夫視子男是也故云言是
 僭天子也云斲大木為之形如石碑者儀禮廟庭有
 碑故祭義云牲入麗于碑儀禮每云當碑揖此云豐
 碑故知斲大木為碑也云於椁前後四角樹之者謂
 椁前後及兩旁樹之角落相望故云四角非謂正當
 椁四角也云穿中於間為鹿盧者謂穿鑿去碑中之
 木令使空於此空間著鹿盧鹿盧兩頭各入碑木云
 下棺以綽繞者綽即紼也紼以紼之一頭繫棺緘以一
 頭繞鹿盧既訖而人各背碑負紼未頭聽鼓聲以漸
 卻行而下之云天子六綽也喪大記云君四綽二碑諸侯
 六引故知天子六綽也喪大記云君四綽二碑諸侯



既二碑故知天子四也云前後各重鹿盧也者以六
 綽四碑明有一碑兩紼者故知一碑上下重著鹿盧
 知唯前後碑重鹿盧者以棺之入椁南北豎長前後
 用力深也案春秋天子有隧以羨道下棺所以用碑
 者凡天子之葬掘地以為方壙漢書謂之方中又方
 中之內先累椁於其方中南畔為羨道以蜃車載柩
 至壙說而載以龍輜從羨道而入至方中乃屬紼於
 棺之緘從上而下棺入於椁之中於此之時用碑綽
 也○**註**諸侯不下天子也斲之形如大楹耳○正義曰
 以言視桓楹不下天子也斲之形如大楹耳○正義曰
 而言之亦謂之碑也故大喪記云諸侯大夫二碑是
 也云四植謂之桓者案說文桓亭郵表也謂亭郵之
 所而立表木謂之桓即今之橋旁表柱也今諸侯二
 碑兩柱為一碑而施鹿盧故云四植謂之桓也周禮
 桓圭而為雙植者以一圭之上不云應柱但環為二
 柱象道旁二木又宮室兩楹故雙植謂之桓也大夫
 亦二碑但柱形不得麤大所以異於諸侯也○**註**以
 已至本同○正義自言經中以用之以義是休已之


字所以用之以得為休已之字者以其本同謂古昔之本用字本同乃得通用謂其兩字本昔是同故得假借而用後世始以已義異也云僭於禮有似作機巧非也者皇氏解云僭濫之事於禮猶有所似作機巧之事全非也○**母無至止之**○正義曰依說文止母是禁辭故說文母字從女有人從中欲干犯故禁約之故鄭註論語云母止其辭讓也故曲禮上篇多言母母猶勿也謂勿得如此下無是有無之無此經中之義是有無之無故轉母作無也○**不寤之聲**○正義曰公肩假唱噫是歎公輸般不曉寤於禮故傷之而為此聲也

戰于郎

郎魯近邑也哀十一年齊國書帥師伐我是

也公叔禺人遇負杖入保者息**遇見也見走辟齊**

師將入保罷倦加其杖頸上兩手掖之休息者保縣



邑小城禺人昭公之子春秋傳曰公叔務人**遇**○禺音

務註同辟音避罷音皮倦**曰使之雖病也**謂時繇

其卷反頸吉領反掖音亦**役**○繇本亦作徭音遙**任之雖重也**謂時賦稅君子不能為

謀也士弗能死也不可君子謂卿大夫也魯政既

惡復無謀臣士又不能死難禺人恥之○弗能弗亦

反下註國為下為懿同復扶又**我則既言矣**欲敵

齊師踐其言與其鄰重汪錡往皆死焉**奔敵死齊**

寇鄰鄰里也重皆當為童童未冠者之稱姓汪名錡

鄰或為談春秋傳曰童汪錡○重依註音童下同汪


亂魯人欲勿殤重汪跖見其死君事有士行欲以

成人之喪治之言魯人者死君事國為斂葬孟行下

問於仲尼仲尼曰能執干戈以衛社稷雖欲勿殤也

不亦可乎善之戰于至可乎正義曰此節論

一年齊伐魯魯與齊師戰于郎郎者魯之近邑也案哀十一年魯人公叔禺人逢遇國人走辟齊師兩手負杖於頸走入城保困而止息禺人見而言曰國以徭役使此人雖復病困國以賦稅責任人民雖復煩重若上能竭心盡力憂恤在下則無以負愧今君子卿大夫不能為謀士又不能致死是自全其身不愛民庶於理不可既嫌他死欲自為致死之事故云我則既言矣既已也云我則已言之矣乃踐其言於是與隣之童子姓汪名跖往赴齊師而死焉依禮童子為殤魯人見其死寇欲勿殤童汪跖意以為疑問



禮記

卷之十

禮記

於仲尼仲尼報之云汪跖能執干戈以衛社稷勿猶

不也雖欲不以為殤下亦可乎言其可為不殤也

正義曰案桓十年齊魯衛侯鄭伯來戰于郎公羊傳云郎者何吾近邑也哀十一年齊

國書帥師伐我戰于郊是郊頭郎邑故知近也案春秋直云戰于郊知與此戰于郎為一事者以其俱有

童汪跖之事故為一也禹人至務人正義曰

案哀十一年傳云公叔務人僮汪跖死昭公傳云昭

公子公為逐季氏公曰務人為此禍務人即公為也

故云昭公子此作禹人者禹務聲相近聲轉字異也

○重皆當為童正義曰此云重汪跖下云重汪跖以重字有二故云皆當為童以言魯人欲勿殤故從春秋為童也見其至斂葬正義曰案喪服小功章大夫為昆弟之長殤註云謂為士者若不仕者也以此言之雖見為士猶以殤服服之何以此云死君事有士行欲以成人之喪治之者喪服所論據尋常死者雖見為士猶以殤服服之汪跖能致死於敵故以成人之喪治之云國為斂葬者以其經稱魯

人且指眾辭汪疇非是家無親屬但國家哀其死難為斂葬之

子路去魯謂顏淵曰何以贈我國贈送曰吾聞之也去

國則哭于墓而后行反其國不哭展墓而入國無君

事主於孝哭哀去也展省視之謂子路曰何以處我

國處猶安也子路曰吾聞之也過墓則式過祀則下

國居者主於敬國禮敬祀墓之事各依文解之國

國無君事主於孝國正義曰若有君事去國則不得哭

國墓故上曲禮云已受命君言不宿於家是不哭於墓

國有屋樹者居無事主於恭敬故或式或下也他墳尚

國式則已先祖墳墓當下也

工尹商陽與陳棄疾追吳師及之國工尹楚官名棄疾

楚公子棄疾也以魯昭八年帥師滅陳縣之楚人善

之因號焉至十二年楚子狩於州來使蕩侯潘子司

馬督囂尹午陵尹喜圍徐以懼吳於時有吳師陳或

作陵楚人聲國馬鬣音篤陳棄疾謂工尹商陽曰王

事也子手弓而可手弓子射諸國謂陽仁不忍殺人

以王事勸之國射食亦射之斃一人韞弓國不忍復

射斃什焉韞韜也國斃本亦作弊婢世反下同韞韜

又及謂之又斃二人每斃一人揜其目國揜其目不

忍視之○又及本或作又及一人後人妄加耳止其御曰朝不坐燕

不與殺三人亦足以反命矣○朝燕於寢大夫坐於

上士立於下然則商陽與御者皆士也兵車參乘射

者在左戈盾在右御在中央○朝直遙反與音預乘繩證反盾食允反又音

允孔子曰殺人之中又有禮焉○善之○馬○正義

曰此一節論殺人有禮之事各依文解之○工尹至人聲○正義曰案春秋傳楚皆以尹為官名也故


是楚共王之子後立為平王云楚人善之因號焉者

案昭十三年左傳晉叔向云棄疾君陳蔡苛慝不作

盜賊伏隱棄疾故楚人善之因號為陳棄疾也云十

二年楚子狩于州來使是昭十二年左傳文楚子謂

靈王名虔棄疾之兄也使蕩侯一潘子二司馬督三



嘉尹午四陵尹喜五也五夫夫圍徐以偏懼於吳也

案左傳直有圍徐不見有吳師之事也又棄疾不與

圍徐鄭必知有吳師及棄疾追之者以棄疾昭八年

縣陳十三年自立為王於此之間無與吳師相涉今

棄疾追吳師復有圍徐懼吳之事故鄭引以明之云

陳或作陵楚人聲者謂陳棄疾餘本有作陵棄疾者

故云陳或作陵楚人呼陳及陵聲相似故云楚人聲

子手弓而可手弓者棄疾謂商陽射吳之奔者云子

是手弓之人謂是能弓之手而可手弓者謂其堪可

稱此能弓之手謂宜須射也又家語云楚伐吳工尹


商陽與棄疾追吳師及之棄疾曰王事也子手弓而

豐祀流

卷之十一

禮記

寢案燕禮獻卿大夫及樂作之後西階上獻士士既得獻者立於東階下西面無升堂之文是士立於下云兵車參乘射者在左戈盾在右御在中央者謂兵車參乘之法其事如此若非兵車參乘則尊者在左故曲禮乘君之乘車不敢曠左鄭註云君存惡空其位又月令載耒耜於御與車右之間君在左也知兵車參乘射者在左戈盾在右者案宣十二年左傳云楚許伯御樂伯攝叔為右於時樂伯主射樂伯云左射以菽是射者在左攝叔云右入壘折馘執俘而還是戈盾勇力在右自然御者在中央此謂凡常戰士也若是元帥則在中央鼓下御者在左戈盾亦在右故成二年鞏之戰於時卻克為中軍將時流血及履未絕鼓音是將居鼓下也解張御卻克解張云矢貫余手及肘余折以御左輪朱殷是御者在左自然戈盾在右若天子諸侯親為將亦居鼓下故成右云贊于鼓成二年齊侯圍龍齊侯親鼓之是也若非元帥則皆在左御者在中故成二年韓厥自其車左居中代御而逐齊侯故杜預云兵車自非元帥御者皆在



中故熊氏以為雖非元帥上軍下軍之將亦居鼓下故成十六年鄢陵之戰子重將左而云子重鼓之也故為將皆在鼓下也以其親鼓故以為鼓下案周禮諸侯執賁鼓軍將執晉鼓師帥執提旅帥執鼙豈皆居鼓下也其義恐非也孔子曰殺人之中又有禮焉者言其既殺人之中又有禮則韞弓揜目等是也案左氏傳戎昭果毅獲則殺之商陽行仁而孔子善之傳之所云人謂彼勅敵與我決戰雖及胡考獲則殺之此謂吳師既走而後逐之故云又及一人則是不逐奔之故以為有禮也

諸侯伐秦曹桓公卒于會
魯成十三年曹伯廬卒於

師是也廬諡宣言桓聲之誤也
桓依音宣
諸侯請合

以朋友有相啖食之道
舍胡閭反啖徒暫反食音嗣徐音自
使之襲

非也襲賤者之事襄公朝于荆康王卒
在魯襄

二十八年康王楚子昭也楚言荆者州言之荆人曰

必請襲註欲使襄公衣之既反魯人曰非禮也荆

人強之註欲尊康王反強其文同巫先拂柩荆人悔之

註巫祝桃荊君臨臣喪之禮其父反荆音列註諸侯

之正義曰此一節論諸侯失禮之事在魯至

言之正義曰不言楚而言荆者楚屬荆故荆言之

也春秋莊十年荆敗蔡師于莘公羊傳曰荆者何州

名也州不若國國不若氏氏不若人人不若名名不

若字字不若子而左氏無此義荆蓋楚之本號魯莊

之世告命皆稱荆至僖元年始稱楚故杜預云荆始

改號曰楚其巫祝桃

荊之事已具于上

滕成公之喪註魯昭三年使子叔敬叔弔進書註子叔

敬叔魯宣公弟叔肸之曾孫叔弓也進書奉君弔書

乙反子服惠伯為介註惠伯慶父玄孫之子名椒

介副也註介音界註及後同及郊為懿伯之忌不入註郊滕之

近郊也懿伯惠伯之叔父忌怨也敬叔有怨於懿伯

難惠伯也春秋傳曰敬叔不入且反惠伯曰政也


不可以叔父之私不將公事註政君命所為敬叔於

昭穆以懿伯為叔父遙反遂入註惠伯強之乃入

註滕成至遂入正義曰此一節論不可以私廢公

之事各依文解之註子叔至弓也正義曰案

通稱故以子冠叔也。○**國**惠伯至副也。○正義曰案世本慶父生穆伯敖敖生文伯穀穀生獻子蔑蔑為慶父曾孫惠伯是蔑之孫是慶父玄孫之子也案春秋傳曰子服椒故知名椒也。○及郊至公事。○敬叔為使惠伯為介至滕之近郊懿伯是惠伯叔父敬叔於先有怨於懿伯至今滕郊為有懿伯之怨故畏難惠伯不敢入惠伯知其難已遂開釋之今既奉君命政令奉使滕國不可以叔父私怨遂欲報讎不行公事也。○**國**郊滕至不入。○正義曰經直云郊知是滕之近郊者下云不入謂不入國城則郊與國城相近故知郊是近郊也知懿伯是惠伯叔父者以下文惠伯云不可以叔父之私故知懿伯是惠伯叔父也云敬叔有怨於懿伯難惠伯也者謂敬叔殺懿伯被懿伯家所怨恐惠伯殺已故難惠伯不敢入也然敬叔惠伯同在君朝又奉使滕國相隨在路不相畏難入其防備之事不復在已故難之引春秋傳敬叔不入者昭三年左傳文引之者以經直云不入恐是惠伯



不入故引以明之。○**國**政君至叔父。○正義曰案論語註君之教令為政臣之教令為事也故云其事也如有政云敬叔於昭穆以懿伯為叔父者此後人轉寫鄭註之誤當云敬叔於昭穆以惠伯為叔父檢勘世本敬叔是桓公七世孫惠伯是桓公六世孫則惠伯是敬叔之父六從兄弟則敬叔呼惠伯為叔父敬叔呼懿伯為五從祖此註乃云敬叔於昭穆以懿伯為叔父故知誤也

哀公使人弔蕢尚遇諸道辟於路畫宮而受弔焉**國**哀

公魯君也畫宮畫地為宮象○蕢苦怪反辟音避又婢亦反畫音獲註同

曾子曰蕢尚不如杞梁之妻之知禮也**國**行弔禮於

野非齊莊公襲莒于奪杞梁死焉**國**魯襄二十三年

齊侯襲莒是也春秋傳曰杞殖華還載甲夜入目于

之隧隧奪聲相近或為兌梁即殖也○于奪徒外反汪并兌同把音

豈殖時職反華胡化反且子餘反其妻迎其柩於路而哭之哀莊公

使人弔之對曰君之臣不免於罪則將肆諸市朝而

妻妾執肆陳尸也大夫以上於朝士以下於市執


拘也○肆殺三日陳尸音四朝直遙反上時掌反拘音俱君之臣免於罪則有

先人之敝廬在君無所辱命無所辱命辭不受也

春秋傳曰齊侯弔諸其室○廬力居反哀公至辱命○

論黃尚不如婦人得禮之事○肆陳至拘也○正義曰案周禮鄉士職云協日刑殺肆之三日是陳尸

曰肆也云大夫以上於朝士以下於市者謂諸侯大夫士也故襄二十二年楚殺令尹子南尸諸朝三日



大夫既於朝士則於市也其天子臣則有爵者皆適甸師氏不在朝故周禮掌囚職云凡有爵者奉而適甸師氏以待形殺掌戮云有爵者殺之于甸師氏是也天子士宜在朝與諸侯大夫同

子贛之喪魯哀公之少子哀公欲設撥○贛吐孫反

撥可撥引輜車所謂紼○撥半末反輜救倫反問於有若有若

曰其可也君之三臣猶設之猶尚也以臣況子也

三臣仲孫叔孫季孫氏顏柳曰天子龍輜而棗○輜

輜殯車也畫轅為龍棗覆也殯以棗覆棺上塗之所

謂敢塗龍輜以棗○棗音郭棗大報反攢塗才九反下音徒諸侯輜而設

棗○輜不畫龍為榆沈故設撥以水澆榆白皮之

汁有急以播地於引輜車滑。○沈木又作審同昌審反澆古堯反汁之十反八反。三臣者廢輜而設撥竊禮之不中者也。而君何

學焉。**注**止其學非禮也廢去也。紼繫於輜三臣於禮

去輜今有紼是用輜僭禮也。殯禮大夫菆置西序士

掘肆見衽。○中竹仲反又如字學如字或音戶教反非註同去羌呂反下同掘求勿反又求月

反棺坎也見賢遍反衽而審反。**注**孺子至學焉。○正

不得學僭禮之事。○顏柳至學焉。○顏柳以有若對

非其實恐哀公從之以其正禮而言天子之殯則以

龍輜謂畫輜車輦為龍載極於上累材作椁而題漆

其木幬覆棺上而後塗之其諸侯則以輜載極不畫

為龍亦累木為椁設木於上以幬之不為題漆直橫

木覆之亦泥一其上以其有輜須設榆沈備擬牽引

為有榆沈故須設撥撥謂紼也今三臣者依禮廢輜

不合用殯今乃設撥用輜是盜竊於禮不中法式而

君何得學焉。**注**畫輜至以椁。○正義曰經直云龍

輜知畫輜為龍者以輜之形狀庫下而寬廣無似龍

形唯輦與龍為形相類故知畫輜也云所謂菆塗龍


輜以椁者以其上篇有其文故此言所謂上篇也輜

外邊從累其木上與椁齊乃菆木為題漆為四阿椁

制而塗之。**注**輜不畫龍。○正義曰以上云龍輜此

直云輜故云不畫龍其木亦不題漆故鄭註喪大記

云諸侯不題漆。○**注**三臣至見衽。○正義曰喪大記



悼公之母死。母哀公之妾哀公為之齊衰有若曰為

妾齊衰禮與。譏而問之妾之貴者為之總耳。為

反下為妾註為之下。弗為服皆同與音餘。公曰吾得已乎哉魯人以妻我

言國人皆名之為我妻重服。妾文過非也。必計

反。悼公至妻我。正義曰此一節論哀公為妾著

服非禮之事。妾之貴者為之總耳。正義

曰天子諸侯絕旁期於妾無服。唯大夫貴妾總以哀

公為妾著齊衰服。故舉大夫貴妾總以對之耳。公

曰吾得已乎哉魯人以妻我者。公以有若之譏。遂文

其過云吾豈得休已而不服之乎。所以不得休已者

雖是其妾魯人以我無夫人。皆以為我妻故不得不服

季子臯葬其妻犯人之禾。季子臯孔子弟子高柴孟

氏之邑成宰或氏季犯躐也。申祥以告曰請

庚之。申祥子張子庚償也。子臯曰孟

氏不以其罪予。時僭侈。朋友不

以是棄予。言非大故以吾為邑長於斯也。買道而

葬後難繼也。恃寵虐民非也。長竹。季子臯葬

也。正義曰此一節論高柴非禮之事各依文解之

○季子至氏季。正義曰案史記仲尼弟子傳云

高柴字子臯少孔子三十歲鄭人也知為成宰者下

文云子臯為成宰云季者高是其正氏今言季子臯

故鄭云或氏季以身處季少故以字為氏而稱季也

是犯禾之事罪責於我以孟氏自為奢暴之故也朋友不以為是犯禾之事離棄於我以其小失非大故也斯此也以吾為邑長於此成邑乃買道而葬清儉太過在後世之人難可繼續也以孟氏不罪於已故鄭云恃寵不肯償禾故云虐民

仕而未有祿者君有饋焉曰獻使焉曰寡君見在臣

位與有祿同也君有饋有饋於君位反遺也使色史

反見賢違而君薨弗為服也以其恩輕也違去也

通反仕而至服也。正義曰此一節論臣之任未得祿者與得祿之臣有同有不同之事也故王制云位

定然後祿之是先位定而後祿也。君有饋焉而獻者饋餉也君有饋謂臣有物饋獻於君既奉餉君上故曰獻。使焉曰寡君者使焉謂為君使往他國此臣若出使則自稱已君謂寡君也言臣雖仕未得祿

而有物饋君及出使他國所稱則並與得祿者同也嫌其或異故明之也。違而君薨弗為服也者此一條則異也違而君薨者違法也謂三諫不從以禮去者若已有祿恩重者雖放出仕他國而所仕者敵則猶反服今此未得祿之臣唯在朝時乃服若放出他邦而故君薨所仕雖敵亦不反服也以其本無祿恩輕故也


虞而立尸有几筵卒哭而諱諱辟其名音避生事畢

而鬼事始已謂不復饋食於下室而鬼神祭之已

辭也既卒哭宰夫執木鐸以命于宮曰舍故而諱新

故為高祖之父當遷者也易說帝乙曰易之帝乙

為成湯書之帝乙六世王天之錫命疏可同名大各



反舍音捨

自寢門至于庫門

禮


百官所在庫門宮外門明

堂位曰庫門天子臯門

禮

虞而立尸有几筵卒哭而

正義曰此一節論葬後當以鬼神事之禮未葬由生
事之故未有尸既葬親形已藏故立尸以係孝子之
心也前所云既窆而祝宿虞尸是也。有几筵者未
葬之前殯宮雖有脯醢之奠不立几筵其大斂之奠
雖在殯宮但有席而已亦無几也此席素席故前云
奠以素器其下室之內有吉几筵今喪訖既設虞祭
有几相配故云有几筵故士虞禮云祝免澡葛經帶布
席于室中東面右几是也然此虞祭而有几謂士大
夫禮若天子諸侯則葬前有几故周禮司几筵云喪
事素几鄭註云謂殯奠時天子既爾諸侯南面之君
其事亦然。卒哭而諱者諱謂神名也古者生不相
諱卒哭之前猶生事之故不諱至卒哭乃有神諱也
○生事畢而鬼事始已者并解所以虞立尸卒哭而



為神諱義也既虞卒哭則生事畢鬼神之事方為始也。○**禮**謂不至辭也。○正義曰合釋有尸有几筵及

諱也下室謂內寢生時飲食有事處也未葬猶生事
當以脯醢奠殯又於下室饋設黍稷謝茲云下室之
饋器物几杖如平生鄭君答張逸云未葬以脯醢奠
於殯又如下室設黍稷曰饋下室內寢也至朔月月
半而殷奠殷奠有黍稷而下室不設也既虞祭遂用
祭禮下室遂無事也然不復饋食於下室承卒哭
之下卒哭之時乃不復饋食於下室皇氏以為虞則
不復饋食於下室於理有疑。○**禮**故謂至同名。○正
義曰高祖之父謂孝子高祖之父也於死者高祖也
卒哭猶未遷故云當遷也至小祥乃遷毀也易說帝
乙曰易之帝乙為成湯者鄭引易證六世不諱故卒
哭而舍高祖之父也易說者鄭引云易緯也凡鄭云
說者皆緯候也時禁緯候故轉緯為說也故鄭志張
逸問禮註曰書說書說何書也答曰尚書緯也當為
註時時在文網中嫌引祕書故諸所牽圖讖皆為之
說云案易云帝乙歸妹易乾鑿度說易之帝乙謂是

殷湯也書之帝乙六世王者亦易緯言也書酒誥有
 帝乙而乾鑿度說云乙是殷六世王也先儒註皆以
 酒誥帝乙紂父紂父去湯多世不啻於六世也然史
 記殷本紀云王名乙者甚衆上皆有配字惟紂父稱
 帝乙耳而湯名乙其六世孫名祖乙即是六世王也
 既並為帝故皆得曰帝乙也祖乙是湯六世孫與湯
 同名是六世得同名云天之錫命疏可同名者此註
 易緯語也言帝王之名由天所錫則世疏可同故舉
 六世以為證也為天所錫者殷以生日甲乙為名則
 生日是天之命曰為名也白虎通云殷質以生日名
 子也故殷太甲帝乙武丁。自寢門至于庫門。前
 既執木鐸以命宮中又出宮從寢門至于庫門寢門
 路門庫門是魯之外門也百官及宗廟所在之次至
 庫門咸使知之也魯三門故至庫門耳若天子五門
 則至臯門也故鄭引明堂位云庫門
 天子臯門也若凡諸侯則臯應路也

二名不偏諱夫子之母名徵在言在不稱徵言徵不稱



在稱舉也雜記曰妻之諱不舉諸其側二名至

正義曰此一節論不偏諱之事。稱舉至其側。正義曰引雜記者證稱是舉之義。

軍有憂則素服哭於庫門之外憂謂為敵所敗也素

服者縞冠也。敗必**赴車不載橐鞬**兵不戢示當

邁反**報也**以告喪之辭言之謂還告於國橐甲衣鞬弓衣

○橐音羔鞬本亦作**鞬**軍有至橐鞬。正義曰此一

鞬救亮反戢側立反**節論軍敗當報之事。赴車**

不載橐鞬者軍既有憂從軍赴國之車但露載其甲

及弓示有報敵之意故甲則不以橐鞬之弓則不以

鞬戢之故註云兵不戢示當報也。以告至弓衣

甲衣者以下韞文韞旣是弓衣故以纁為甲衣

有焚其先人之室則三日哭謂人燒其宗廟哭者哀

精神之有虧傷故曰新宮火亦三日哭火人火也

新宮火在魯成三年有焚至日哭。正義曰此一節論哀先人宗廟虧傷之事


○火人至三年。正義曰案宣十六年左傳云人火曰火天火曰災新宮者魯宣公廟故成三年公羊傳云新宮者何宣公之宮也

孔子過泰山側有婦人哭於墓者而哀夫子式而聽之

怪其哀甚使子路問之曰子之哭也壹似重有憂者而曰然昔者吾舅死於虎吾夫又死焉今吾子又

死焉而猶乃也夫之父曰舅。重直用反夫子曰何為

不去也曰無苛政夫子曰小子識之苛政猛於虎也



○苛音何本亦作荷。識申吉反又如字。孔子至虎也。正義曰此一節論苛政嚴於猛虎之事。子之哭也壹似重有憂者。言子之哭也壹似重疊有憂喪者也。壹者決定之辭也。而曰然者而乃也。婦人哭畢乃答之曰然。然。適如是是重疊有憂也。

魯人有周豐也者哀公執摯請見之下賢也摯禽摯

也諸侯而用禽摯降尊就卑之義摯音志下戶嫁反而曰不

可辭君以尊見卑士禮先生異爵者請見之則辭

公曰我其已夫已止也重強變賢。夫音符強其丈反使人

已止也重強變賢夫音符強其丈反使人

已止也重強變賢夫音符強其丈反使人

已止也重強變賢夫音符強其丈反使人

問焉曰有虞氏未施信於民而民信之夏后氏未施敬於民而民敬之何施而得斯於民也

時公與三桓始有惡懼將不安對曰墟墓之間未施哀於民而

民哀社稷宗廟之中未施敬於民而民敬

言民見悲哀之處則悲哀見莊敬之處則莊敬非必有使之

者墟毀滅無後之地

虛本亦作墟同起魚反註同處昌慮反下同

殷人作誓而民始畔周人作會而民始疑

會謂盟也盟誓所以結衆以信其後外恃衆而信不由中則民畔疑之孔子曰其身正不令而行其身不正雖令不從苟



無禮義忠信誠慤之心以涖之雖固結之民其不解

乎

涖臨。涖音利又音類解。魯人至解乎。正佳買反舊胡買反。義曰此一節論君

之臨臣民當以禮義忠信為本之事各依文解之。何施而得斯於民也者。有虞氏未施信於民而民

信之夏后氏未施敬於民而民敬之言虞之與夏施何政教以化民斯此也而得如此敬信於民也。對

曰至民敬。周豐之意以虞之與夏由行敬信於民民見其敬信民自學之不須設言號令故云古昔丘

墟及墳墓之間是所悲哀之處也人在其所未須施設教化令民使哀而民自哀也社稷宗廟之中嚴凝

之處人在其中未須施設教化而民自敬言民之從君在君身所行不在言也若身之不行言亦無益故

殷人作誓由身不自行徒有言誓而民始畔也周人作會為身無誠信而民始疑苟誠也人君之身誠無禮義忠信誠實質慤之心以臨化之雖以言辭誓令

堅固結之民其不散離乎言當解散離也

豐此言欲令哀公身行誠信不當唯以言辭率下而已。**○**墟毀滅無後之地。**○**正義曰凡舊居皆曰墟故左傳有莘氏之墟有昆吾之墟故知毀滅無後者以可悲哀故為無後也。**○**會謂至疑之。**○**正義曰案昭三年左傳云有事而會不協而盟則盟會別也知此會謂盟者以云而民始疑司盟云邦國有疑則盟詛之故以會為盟也案尚書夏啓作甘誓此言殷人作誓左傳云夏啓有塗山之會又禹會塗山此云周人作會者此據身無誠信徒作誓盟民因誓因盟而始離畔非謂殷人始作誓周人始作會若夏啓作甘誓禹會塗山皆身有誠信於事善也穀梁傳云告誓不及五帝盟詛不及三王者五帝三王身行德義不專用詭誓盟詛故云不及與此不同云信不由中則民畔疑之者隱三年左傳云信不由中質無益也紂為苛政而作誓命民乃畔之亦是畔疑之事

喪不慮居**○**謂賣舍宅以奉喪毀不危身**○**謂憔悴將



滅性**○**惟在遙反
喪不慮居為無廟也毀不危身為無後也

延陵季子適齊於其反也其長子死葬於贏博之間

季子名札魯昭二十七年吳公子札聘於上國是也

季子讓國居延陵因號焉春秋傳謂延陵延州來贏

博齊地今泰山縣是也。**○**為于偽反下同長竹丈反

孔子曰延陵季子吳之習於禮者也往而觀其葬

焉**○**往弔之其坎深不至於泉**○**以生怨死**○**深式

其斂以時服**○**以行時之服不改制節既葬而封廣


輪揜坎其高可隱也

註示節也輪從也隱據也封可

手據謂高四尺所

○廣古曠反揜本又作掩於檢反隱於刃反註同從子容反

延陵至隱也。正義曰此一節論仲尼云季子得禮之事各依文解之。**○**季子至是也。正義曰知季子名札者案襄二十九年吳公子札來聘是名札也又案襄二十九年季札來聘干魯遂往聘齊衛及晉知非此時子死而云昭二十七年聘上國者此云孔子聞之往而觀其葬焉若襄二十九年孔子纔年九歲焉得觀其葬而善之故為昭二十七年也云讓國居延陵者春秋襄二十九年吳公子札來聘公羊云吳無君無大夫此何以有君有大夫賢季子也何賢乎季子讓國也謁也餘祭也夷昧也與季子同母者四季子弱而才兄弟皆愛之同欲立之以為君兄弟迭為君而致國于季子皆曰諾故諸為君者皆輕死為勇飲食必祝曰天苟有吳國尚速有悔於子身及闔廬使專諸刺僚而致國于季子季子不受去之延



陵終身不入吳國此即季子本封延陵後讓國又居之鄭舉後事言耳延陵一名延州來故左傳云延州來季子聘於上國所以鄭又引以會之云春秋傳謂延陵延州來即此經延陵即左傳延州來明是一也。**○**以生怨死。正義曰言坎以深不至泉以生時不欲近泉故死亦不至於泉以生時之意以怨於死者。**○**示節至尺所。正義曰以上斂以行時之服不更製造是其節也今封墳廣輪揜坎其高可隱又是有其節制故云示節也云謂高四尺所者言墳之高可四尺之所以人長八尺低而據之半為四尺且約上墳崇四尺故云四尺所所是不定之辭。既封左祖右還其封且號者

三曰骨肉歸復于土命也若魂氣則無不之也無不

之也。**註**還圍也號哭且言也命須性也。**○**號戶高而

遂行。**註**行去也孔子曰延陵季子之於禮也其合矣

乎

既封至矣乎。正義曰既封墳已竟季子乃左袒其衣案鄭註觀禮云凡以禮事者左袒若請罪待刑則右袒故觀禮云乃右袒于廟門之東在喪亦是禮事故喪禮直云袒不云左右今季子長子之喪而左袒者季子達死生之命云骨肉歸復于土不須哀戚以自寬慰故從吉禮也左袒訖乃右而圍遠其封兼且號哭而遠墳三市也號哭且言曰骨肉歸復于土此是命也命性也言自然之性當歸復于土言歸復者言人之骨肉由食土物而生今還入土故云歸復若神魂之氣則遊於地上故云則無不之適也言無所不之適上或適於天旁適四方不可更反再言之者愍傷離訣之意

邾婁考公之喪

考公隱公益之曾孫考或為定。力俱

反下


徐君使容居來弔

含

弔且含

○含和闔反曰

寡君使容居坐合進侯玉其使容居以**含**欲親含



非也含不使賤者君行則親含大夫歸含耳言侯玉

者時徐僭稱王自比天子○僭子念反有司曰諸侯之來

辱敝邑者易則易于則于易于雜者未之有也**易**

謂臣禮于謂君禮雜者容居以臣欲行君禮徐自比

天子使大夫敵諸侯有司拒之○易則易並以歧反下及註同拒本又作

距容居對曰容居聞之事君不敢忘其君亦不敢遺

其祖昔我先君駒王西討濟於河無所不用斯言也

容居魯人也不敢忘其祖**言**我祖與今君於諸侯

初如是不聞義則服駒王徐先君僭號容居其子孫

也濟渡也言西討渡於河廣大其國魯魯鈍也言魯

鈍者欲自明不妄頓徒困反本亦作鈍義曰此一節論徐

之僭禮之事邾考公之喪徐君使大夫容居來

乎且含容居致其君命云寡君使容居親坐行含進

侯玉於邾君此居養致之音也其使容居以含者

此是記人錄語云其使容居奉玉以行含禮邾人有

司乃拒之曰諸侯之來屈辱臨益弊邑者若是臣來

其禮簡易者則行君之簡易之禮于謂廣大若君來

易而為廣大實是臣而行君禮是君臣雜亂者未之

有也謂由來未有此禮容居乃對邾之有司云容居

聞之謂聞於舊日之言云臣之事君奉命出使不敢

忘其君之言子孫事祖當光揚先祖亦不敢遺棄其

先祖言即不遺先祖之事也昔我先君駒王西討

濟於河言國土廣大無所不用斯言也者所謂處

所斯此也謂我從先君駒王以來於諸侯無一處不

用此稱王之言也言我對諸侯恒稱王也容居恐邾

人謂其虛誕故云魯鈍之人不解虛詐唯知不敢忘

其先祖容居云此者先祖實有此事不虛也上云不

敢忘其君不敢遺其祖下直云不敢遺其祖者祖是

人遠猶尚不遺忘君見有是不忘可悉故不言也其

言先祖即是不忘君君行至天子正義曰知

君行則親合者上云曹桓公卒于會諸侯請合是也

言大夫歸合者上雜記諸侯之喪君使人弔合贈祔

是也云言侯玉者徐自比於天子以邾君為已之諸

侯言進侯氏以玉故云進侯玉案春秋昭二十年吳

禮記疏

卷之十一

禮記疏

駒王與今日徐君稱謂於諸侯自初以來如是稱王非始今日云容居其子孫也者以經云不敢遺其祖即云我先君駒王故知容居是駒王子孫云自明不妄者我若是曉利之人或妄稱先祖之善自言魯鈍似若無識知言語朴實故言欲自明不妄凡實行舍禮未斂之前以玉實口士則主人親舍大夫以上即使人舍若既斂已後至殯葬其有舍者親自致璧於柩及殯上若謂之親舍若但致命以璧授主人主人受之謂之不親舍

子思之母死於衛 嫁母也姓庶氏赴於子思子思哭

於廟門人至曰庶氏之母死何為哭於孔氏之廟乎

門人弟子也 嫁母與廟絕族子思曰吾過矣吾過矣遂哭於他室

矣遂哭於他室

天子崩三日祝先服 祝佐舍斂先服 祝之五日官

長服 官長大夫士七日國中男女服 庶人三月

天下服 諸侯之大夫虞人致百祀之木可以為棺

椁者斬之 虞人掌山澤之官百祀畿內百縣之祀

也以為棺椁作棺椁也斬伐也 音祈 不至者廢其祀

勿其人 勿勿粉反 天子至其人 正義曰此一節論天子崩尊卑服杖及葬

備梓材之事天子崩三日祝先服者祝大祝商祝也

故先杖也然云祝服故子亦三日而杖也 五日官

長服者大夫士也亦服杖也服在祝後故五日也 七日國中男女服者謂畿內民及庶人在官者服謂

齊衰三月而除之必待七日者天子七日而殯殯後

卷之十一 二十九

祭義

嗣王成服故民得成服也。三月天下服者謂諸侯之大夫為王總喪既葬而除之也。近者亦不待三月。今據遠者為言耳。然四條皆云服何以知其或杖服或衰服。案喪大記云君之喪三日太子夫人杖五日既殯授大夫世婦杖又喪服四制云三日授子杖五日授大夫杖七日授士杖案喪大記及四制則知今云三日五日是服杖明矣。其七日及三月者唯服而已。無杖四制云七日授士杖此云五日十杖者士若有地德深者則五日若無地德薄則七日。崔氏云此據朝廷之士四制是邑宰之士也。虞人致百祀之木可以為棺椁者斬之謂王殯後事也。虞人者主山澤之官也。百祀者王畿內諸臣采地之祀也。言百者舉其全數也。既殯旬而布材故虞人斬百祀之木。以為周棺之椁者送之也。必取祀木者賀瑒云君者德著幽顯若存則人神均其慶沒則靈祇等其哀傷也。

齊大饑黔敖為食於路以待餓者而食之有餓者蒙袂



輯屨貿貿然來 蒙袂不欲見人也輯斂也斂屨力

億不能屨也貿貿目不明之貌 ○饑居宜反字林九衣反本又作飢同黔

其廉反徐渠嚴反而食音嗣下奉食同袂彌世反輯側立反貿徐亡救反又音茂一音牟斂力檢反下同

黔敖左奉食右執飲曰嗟來食揚其目而視之曰予

唯不食嗟來之食以至於斯也 嗟來食雖閔而呼

之非敬辭 ○奉芳勇反 **從而謝焉終不食而死** 從猶就

也曾子聞之曰微與其嗟也可去其謝也可食 微

猶無也無與止其狂狷之辭 ○與音餘註同狷音絹 齊大至

正義曰此一節論饑者狂狷之事 ○黔敖見有餓者而來乃左奉其飯右執其飲見其餓者困吝嗟愍之

故曰嗟乎來食餓者聞其嗟已無敬已之心於是發怒揚舉其目而視之曰子唯不食嗟來無禮之食以至於斯斯此也。以至於此病困怒而遂去黔敖從逐其後辭謝焉餓者終不食而耳曾子聞之曰微與者微無也與語助言餓者無得如是與初時無禮之嗟也可怒之而去其終有禮之謝也可反迴而食曾子嫌其狂狷故為此辭狂者進取一槩之善仰法夷齊耿介狷者直申已意不從無禮之為而餓者有此二性故止之。

邾婁定公之時有弑其父者定公獲且也魯文十四

年即位○有殺本又作弑同式志反下臣殺子殺同獲俱縛反且子餘反有司以告

公瞿然失席曰是寡人之罪也民之無禮教之罪

○瞿本又作懼紀具反曰寡人嘗學斷斯獄矣臣弑君凡在官

者殺無赦子弑父凡在官者殺無赦言諸臣子孫

無尊卑皆得殺之其罪無赦○斷丁亂反殺其人壞其室

洿其宮而豬焉明其大逆不欲人復處之豬都也

南方謂都為豬○殺如字壞音怪洿音烏豬音誅復扶又反蓋君踰月而


后舉爵自貶損○邾婁至舉爵○正義曰此一節論誅弑父之事○曰寡人嘗試

○定公既見有司告以人弑其父乃言曰寡人嘗試學斷此試父之獄矣臣之弑君凡在官之人無問貴


賤皆得殺此弑君之人無得縱赦之也子之弑父凡在宮者無問尊卑皆得殺此弑父之人不得縱赦之

此在宮字諸本或為在官恐與上在官相涉而誤也

○言諸至無赦○正義曰言諸臣解在官者言子孫解在宮者言此等之人若見弑君弑父之人無問尊卑皆得殺之謂理合得殺若力所不能亦不責也



故春秋崔杼弑莊公而晏子不討崔杼而不責晏子若力能討而不討則責之春秋董狐書趙盾云子為正卿亡不出竟反不討賊書以弑君是也鄭此云子孫無間尊卑皆得殺之則似父之弑祖子得殺父然子之於父天性也父雖不孝於祖子不可不孝於父今云子者因孫而連言之或容兄弟之子耳除子以外皆得殺其弑父之人異義衛輒拒父公羊以為孝子不以父命辭王父之命許拒其父左氏以為子而拒父悖德逆倫大惡也鄭駁異義云以父子私恩言之則傷仁恩則鄭意以公羊所云公義也左氏所云是私恩也故知今子之報殺其父是傷仁恩也若妻則得殺其弑父之夫故異義云妻甲夫乙毆母甲見乙毆母而殺乙公羊說甲為姑討夫猶武王為天誅紂鄭駁之云乙雖不孝但毆之耳殺之太甚凡在宮者未得殺之殺之者士官也如鄭此言毆母妻不得殺之若其殺母妻得殺之○**圖**豬都至為豬○正義曰案孔註尚書云都謂所聚也此經云洿其宮而豬焉謂掘洿其宮使水之聚積焉故云豬都也鄭恐豬



不得為都故引南方之人謂都為豬則彭蠡既豬豬是水聚之名也

晉獻文子成室晉大夫發焉**圖**文子趙武也作室成晉

君獻之謂賀也諸大夫亦發禮以往張老曰美哉輪

焉美哉奐焉**圖**心譏其奢也輪輪困言高大奐言眾

多○奐音喚本亦作煥奐爛言眾多也困起倫反**歌於斯哭於斯聚國族於**

斯**圖**祭祀死喪燕會於此足矣言此者欲防其後復

為文子曰武也得歌於斯哭於斯聚國族於斯是全

要領以從先大夫於九京也北面再拜稽首**圖**全要

領者免於刑誅也晉卿大夫之墓地在九原京蓋字

之誤當為原

○要一遙反註及下註要君同京音原下同下亦作原字

君子謂之

善頌善禱

善頌謂張老之言善禱謂文子之言禱


求也

○禱丁老反祈也

文

文子成室相禱頌之事各隨文解

之○晉獻文子成室者獻謂慶賀也文子晉卿趙武也成室謂文子作宮室成也文子宮室成晉君往賀也○晉大夫發焉者發禮也晉君既賀則朝廷大夫並發禮同從君往賀之張老曰美哉輪焉者張老亦往慶之一大夫也心譏文子宮室飾麗故伴而美之也輪謂輪困高大也春秋外傳曰趙文子為室斲其椽而礱之張老諫之是也○美哉與焉者與謂其室與爛衆多也既高又多文飾故重美之王云與言其文章之貌也○歌於斯者歌謂祭祀時奏樂也斯此也張老前美其飾麗後又防更造也言此室可以祭祀歌樂也然大夫祭無樂而春秋時或有之也○哭於斯者又言此室亦足居喪哭泣位也○聚國族於



禮記

卷之十

汲古閣

斯者又言此室可以燕聚國賓及會宗族也終始永足切勿復更造作○文子曰武也得歌於斯哭於斯聚國族於斯者武文子名也文子覺譏故稱名自陳將自陳數前譏具領述張老之言也○是全要領以從先大夫於九京也者領頭也古者罪重要斬罪輕頭刑也先大夫謂文子父祖以其世為大夫故稱父祖為先大夫也九原文子家世舊葬地也文子述張老語竟故說此自陳也言若得保此宅以歌哭終於餘年不被罪討是完全要領壽終而卒以從先大夫葬於九原也○北面再拜稽首者辭畢乃稽首謝過受諫也北面者在堂禮也故鄉飲酒禮賓主皆北面拜○君子謂之善頌善禱者君子者知禮之人也見張老與文子皆能中禮故善之也頌者美盛德之形容禱者求福以自輔也張老因美而譏之故為善頌文子聞過即服而拜故為善禱也○晉卿至為原○正義曰案墓大夫云令國名族葬註云族葬各從其親是卿大夫墓地得同在一處知京當為原者案韓詩外傳云晉趙武與叔向觀於九原又爾雅云絕

高為京廣平曰原京非葬之處原是墳墓之所故為原也

仲尼之畜狗死

畜狗馴守。畜許六反又許又反馴守上音巡下如字又手又

反使子貢埋之曰吾聞之也敝帷不棄為埋馬也敝

蓋不棄為埋狗也丘也貧無蓋於其封也亦予之席

毋使其首陷焉


封當為窆陷謂沒於土。貢本亦為埋于偽反下亡皆反下並同狗古口反封彼劔反出註

路馬死埋之以帷

馬君所乘者其他狗馬不能以帷蓋

季孫之母死哀公弔焉曾子與子貢弔焉闈人為君在

弗內也闈人守門者。闈音昏弗內上如字下音納曾子與子貢



入於其廄而脩容焉更莊飾。廄久又反子貢先入闈

人曰鄉者已告矣既不敢止以言下之。鄉許亮反下戶籬

反曾子後入闈人辟之見兩賢相隨彌益敬也。辟音避

音避涉內雷卿大夫皆辟位公降一等而揖之禮

之又反君子言之曰盡飾之道斯其行者遠矣禮

季孫至遠矣。正義曰此一節論君子加服人乃敬之事。卿大夫至遠矣。二子既入涉至內雷卿與

大夫皆逡巡辟位公於堂上降階一等揖而禮之於

時君子以二子盛飾備禮遂美之云凡人盡其容飾

則被崇禮其盡飾道理斯此也其施行可久遠矣所

子退而脩容闈人雖是愚鄙猶知敬畏明其不愚之人則畏敬可知是其盡飾之道行之可長遠矣案喪

大記君臨大夫之喪君即位於序端卿大夫即位於堂廉楹西北面東上是辟位者蓋少西逡巡而東面不當北面之位然君在大夫得斯為二子辟位者卿大夫等見公將降故先辟位或可此公始入升堂之後卿大夫猶庭中北面辟位者謂辟中庭之位少近東耳又弔有常服而得特為盡飾者謂更服新衣也

陽門之介夫死陽門宋國門名介夫甲衛士司城子


罕入而哭之哀宋以武公諱司空為司城子罕戴

公子樂甫術之後樂喜也罕呼 **晉人之覘宋者反**

報於晉侯曰陽門之介夫死而子罕哭之哀而民說

殆不可伐也覘闕視也。覘勅廉反下同說音孔

子聞之曰善哉覘國乎善其知微詩云凡民有喪



扶服救之救猶助也。音蒲北反本又作匍匐音同

雖微晉而已天下其孰能當之微猶非也。當丁

陽門至當之正義曰此一節論善覘國之事各

依文解之。宋以至喜也。正義曰宋以武公

諱司空者桓六年左傳申繻之辭也知有司城者以

春秋之時唯宋有司城無司空又冬官考工記匠人

營國是司空主營城郭故知廢司空為司城服虔杜

預註傳皆以為然云子罕戴公子樂甫術之後者案

世本戴公生樂甫術術生石甫願繹繹生夷甫傾傾

生東鄉克克生西鄉士曹曹生子罕喜是子罕為術

禮記

卷之十

三十五

以凡人家死喪鄰里尚扶服盡力往救助之况我於女夫家而何得不盡力今此引詩斷章云凡民有喪則陽門之介夫死是也在上扶服而救助之則子罕哭之哀是也。雖微晉而已者微非也言晉之強盛猶不能當宋雖非晉之強天下更有強於晉者誰能當之言縱有強者不能當宋而已是助語句也

魯莊公之喪既葬而經不入庫門 **時子般弒慶父作**

亂閔公不敢居喪葬已吉服而反正君臣欲以防遏之微弱之至 ○般音斑弒音試 **士大夫既卒哭麻不入**

麻猶經也羣臣畢虞卒哭亦除喪也閔公既吉服

不與虞卒哭 ○與音預 **論禮變所由也** ○正義曰此一節

經葛經也諸侯弁經葛而葬也魯之庫門天子之臯門也莊公以三十二年薨太子般立十月己未共仲



使圉人犖賊子般於黨氏立閔公慶父作亂閔公時年八歲不敢居喪三年既葬竟除凶服於外吉服反以正君臣故經不入庫門也所以至庫門而去經。 **時子至而反**。正義曰案春秋左氏傳慶父使圉

人犖賊子般於黨氏是子般弒慶父作亂之事也云閔公不敢居喪者閔公是莊公之子夫人哀姜之姊叔姜所生以葬畢即除服故云不敢居喪經云經不入者謂葛經故前文云天子諸侯葛經帶而葬所以

云不入庫門者以魯有三門庫雉路庫門最在外以從外來故經不入庫門經既不入衰亦不入可知也。 **麻猶至卒哭**。正義曰經云大夫既卒哭麻不入上云經不入故云麻猶經也其實上是君身經用

葛士大夫是臣故經用麻也云羣臣畢虞卒哭亦除喪也者亦閔公也閔公葬而除喪今羣臣卒哭乃除喪者以閔公既葬須即位正君臣故既葬而除羣臣

須行虞卒哭之祭故卒哭乃除之云閔公既吉服不與虞卒哭者案論語云羔裘玄冠不以弔虞卒哭並是凶事閔公既服吉服故不與也此云麻不入者承

上庫門亦謂不入庫門也謂卒哭已後麻不復入案喪服註卿大夫既虞士卒哭而受服則既虞服葛此卒哭之麻不入者皇氏云時禍亂迫處君既服吉服故士大夫既虞不服受服至卒哭總除

孔子之故人曰原壤其母死夫子助之沐椁沐治也

○壤如丈反原壤登木曰久矣予之不託於音也木椁

材也託寄也謂叩木以作音材歌曰狸首之斑然

執女手之卷然狸力知反女如字徐音汝卷音權本又作拳

夫子為弗聞也者而過之佯不知音羊從者曰子

未可以已乎已猶止也從才用反音羊夫子曰丘聞

之親者母失其為親也故者母失其為故也孔子至故



也。正義曰此一節論孔子無大故不遺故舊之事

○原壤登椁材而言曰久矣予之不託於音也託寄

也謂我遭喪母以來日月久矣我不得託寄此木以

為音聲於是乎叩木作音口為歌曰狸首之斑然者

言斲椁材文采似狸之首。執女手之卷然者言孔

子手執斤斧如女子之手卷卷然而柔弱以此歡說

仲尼故註云說人辭也然在喪而歌非禮之甚夫子

為若不聞也者而過去之從者見其無禮謂夫子曰

彼既無禮子未可休已乎言應可休已不須為治椁

也夫子對從者曰朋友無大故不相遺棄丘聞之與

我骨肉親者雖有非禮無失其為親之道尚得與之和睦故舊者雖有非禮無失其為故之道尚得往來原壤有非禮既是故舊身無殺父害君之故何以絕之案論語云主忠信無友不如己者左傳吳季札譏叔孫穆子好善而不能擇人原壤母死登木而歌夫子聖人與之為友者論語云無友不如己者謂方始為交遊須擇賢友左傳云好善而不能擇人者謂不善之人不可委之以政今原壤是夫子故舊為日已

久或平生舊交或親屬恩好苟無大惡不可輒離故
論語云故舊無大故則不相遺棄彼註云大故謂惡
逆之事殺父害君乃為大故雖登木之歌未至於此
且夫子聖人誨人不倦宰我請喪親一期終助陳恒
之亂互鄉童子許其求進之情故志在攜獎不簡善
惡原壤為舊何足怪也而皇氏云原壤是上聖之人
或云是方外之士離文棄本不拘禮節妄為流宕非
但敗於名教亦是誤於學者義不可用其云原壤中
庸下愚義質得矣

趙文子與叔譽觀乎九原註叔譽叔向也晉羊舌大夫

之孫名肸亮反肸許乙反文子曰死者如可作也吾

誰與歸註作起也叔譽曰其陽處父乎註陽處父襄

公之太傅同傳音賦文子曰行并植於晉國不沒

其身其知不足稱也註并猶專也謂剛而專已為狐

射姑所殺沒終也植或為特行舊下孟反皇如字

反又時力反註同知音智射音亦又音夜其舅犯乎文子曰見利不顧其

君其仁不足稱也註謂父與文公辟難至將反國無

安君之心及河授璧詐請亡要君以利是也且反要

一遙我則隨武子乎利其君不忘其身謀其身不遺

其友註武子士會也食邑於隨范字季晉人謂文子

知人註見其所善於前則知其來所舉文子其中退

然如不勝衣註中身也退柔和貌鄉射記曰弓二寸



以為侯中退或為妥○追然音退本亦作退勝音升妥他果反其言啍啍

然如不出其口啍啍舒小貌○啍如悅反徐奴劣反所舉於

晉國管庫之士七十有餘家管庫之士府史以下

官長所置也舉之於君以為大夫士也管鍵也庫物

所藏○長竹丈反鍵其展反徐其偃反鑰也生不交利廉也死不屬

其子焉潔也○屬音燭趙文至子焉○正義曰此一文解之○叔譽至名胙○正義曰知叔譽是叔向者案韓詩外傳云趙文子與叔向觀如九原故知叔譽是叔向也云晉羊舌大夫之孫名胙者案左氏羊舌是邑名晉大夫公族為羊舌大夫也故閔二年左傳云羊舌大夫為尉羊舌大夫生羊舌職職生叔向是羊舌大夫之孫也又昭三年左傳叔向與齊晏子

語云胙又無子是名胙○死者如可作也吾誰與歸者文子云此處先世大夫死者既眾假令生而可作起吾與眾大夫之內而誰最賢可以與歸○文子至稱也者并猶專也植謂剛也文子曰言處父唯行專植剛強於晉國自招殺害不得以至終沒其身是不能防身遠害以其無知故也故云其知不足稱也○

是專權之事故云并猶專也云謂剛而專已者剛經中植也文五年甯嬴從陽處父及温而還其妻問之嬴曰夫子剛又文六年晉蒐于夷使狐射姑將中軍趙盾佐之陽處父至自温改蒐于董易中軍以趙盾為將狐射姑卻為佐狐射姑恨之使續鞫居殺陽處父故傳云賈季怨陽子之易其班也賈季即狐射姑也賈是采邑季則其字也○見利至稱也者文子云

舅犯見君反國恐不與已利祿遂不顧其君詐欲奔去唯求財利無心念君無仁愛之心其仁不足稱也○謂久至利是也○正義曰案左傳僖五年辟驪姬之難至僖二十四年反國是久與文公辟難也又



案僖二十四年左傳云及河子犯以璧授公子日臣
 負羈繼從君巡於天下臣之罪甚多矣臣猶知之而
 況君乎請由此亡公子日所反國不與舅氏同心者
 有如白水是夏君求利之事也。利其至其友者文
 子稱隨武子之德凡人利君者多性行偏特不顧其
 身今武子既能利君又能不忘其身利其君者謂進
 思盡忠不忘其身者保全父母謀其身不遺其友者
 凡人謀身多獨善於己遺棄故舊今武子既能謀身
 又能不遺其朋友此二句言武子德行弘廣外內周
 備故襄二十七年左傳論范武子之德云夫子之家
 事治言於晉國無隱情無隱情則利君也家事治則
 不忘其身處父舅犯其事顯於春秋故鄭具言之隨
 武子之事春秋文無指的事顯於春秋故鄭具言之隨
 會與先蔑俱迎公子雍在秦三年不見先蔑及士會
 還晉遂不見先蔑而歸是遺其友而云不遺者彼謂
 其先蔑俱迎公子雍懼其同罪禍及於己故不見之
 非是無故相遺也。文子至其口者作記者美文子
 知人既美隨士會於前知其所舉還如隨會之比此



論文子之貌文子身形退然柔和似不勝其衣言形
 貌之卑退也其發言舒小似啞然如不出諸口謂
 言語卑下也。○**註**鄉射至侯中。○正義曰引之者證
 中為身也故儀禮鄉射記曰鄉侯五十弓弓長六尺
 謂鄉射大射處五十步一步料二寸以為侯中則侯
 中方一丈中謂身也。○**註**舉之至鍵也。○正義曰知
 為大夫士者以經稱家家是大夫士之總號案月令
 註管籥搏鍵器鍵謂鎖之入內者俗謂之鎖須管謂
 夾取鍵今謂之鑰匙則是管鍵為別物而云管鍵者
 對則細別散則大同為鍵而有故云管鍵。○生不交
 利者謂文子生存之日不交涉於利是謂不與利交
 涉也。○死不屬其子者謂臨死時不私屬其子於君
 及朝廷也案禮記文子成室被張老所譏樂奏肆夏
 從趙文子始禮記顯其奢僭者晉為霸主總領諸侯
 武為晉相光顯威德此乃事勢須然無廢德行之善
 且仲尼之門尚有柴愚參魯管仲相齊亦有三歸反
 怪也

叔仲皮學子柳

叔仲皮魯叔孫氏之族學教也子柳

仲皮之子

○學戶教反註同

叔仲皮死其妻魯人也衣衰而

繆經

衣當為齋壞字也繆當為不繆垂之繆士妻

為舅姑之服也言雖魯鈍其於禮勝學

○衣衰依註衣作齋音咨

繆依註讀曰繆音居蚪反為舅于偽反下為舅叔仲

衍以告

告子柳言此非也衍蓋皮之弟衍或為皮


○衍以善反註同

請總衰而環經

總衰小功之縷而四升

半之衰環經弔服之經時婦人好輕細而多服者衍

既不知禮之本子柳亦以為然而請於衍使其妻為



舅服之

○總衰上音歲下七雷反縷力主反好呼報反

曰昔者吾喪姑姊妹

亦如斯末吾禁也

衍答子柳也姑姊妹在室齊衰

與婦為舅姑同末無也言無禁我欲其言行

○喪如字末莫

退使其妻總衰而環經

婦以諸侯之大夫為天

子之衰弔服之經服其舅非

叔仲至環經○正義曰此一節論子柳失

禮之事○叔仲氏也皮是名言叔仲皮教訓其子子


柳雖受父教猶不知禮在後叔仲皮死其妻魯人也

其子柳之妻是魯鈍婦人雖曰魯鈍猶知為舅姑而

身著齊衰而首服繆經也謂絞麻為經○叔仲衍以

告者衍是皮之弟子柳之叔既見當時婦人好尚輕

吾喪姑姊妹亦如斯斯此也謂如此總衰環經。未
吾禁也者未無也我著總衰環經無人於吾而相禁
者既無禁明其得著總衰衍告子柳如此子柳得衍
言乃退使其妻著總衰而環經。○叔仲至之族。
正義曰知者案世本桓公生僖叔牙叔牙生武仲休
休生惠伯彭彭生皮為叔仲氏故云叔孫氏之族。
○衣當至勝學。正義曰喪服婦為舅姑齊衰無衣
衰之文故知衣是齊字但齊字壞滅而有衣在云繆
讀為不繆垂之繆者讀從喪服傳不繆垂之繆謂
兩股相交也五服之經皆然唯弔服環經不繆耳云
士妻為舅姑之服也者以子柳以叔仲為氏則非庶
人也又春秋叔仲皮等經傳無文則非卿大夫也故
以為士妻其實大夫妻為舅姑亦齊衰。○衍蓋皮
之弟。正義曰知者以叔仲衍叔仲皮皆以單字為
名故疑是兄弟也又子柳請衍則衍尊於子柳是子
柳叔也。○總衰至服之。正義曰知總衰小功之縷
而四升半者約喪服傳文云環經弔服之經者約周
禮司服首服弁經鄭註云弁經者如爵弁而素加環



經又鄭註雜記云環經者一股所謂纏經也纏而不
繆是環經不繆也云時婦人好輕細而多服此者若
時人不服此服則衍與子柳應知總衰為非今子柳
既受學於父不肯啣庶弟之母非是下愚而不知其
非禮明當時皆著輕細故也。○婦以至舅非。○正
義曰以諸侯之大夫為天子之衰據喪服謂總衰也
云弔服之經者謂環經既
以此服服舅故云非也

成人有其兄死而不為衰者聞子臯將為成宰遂為衰

成人曰蠶則績而蟹有匡范則冠而蟬有綏兄則死

而子臯為之衰。○蚩兄死者言其衰之不為兄死如

蟹有匡蟬有綏不為蠶之績范之冠也范蜂也蟬螭

也綏為螭喙長在腹下。○成本或作鄭音丞蠶七南
反蟹戶買反綏耳佳反蚩昌

之反蜂子逢反螻音條
 喙呼惠反又竹角反
 孟氏所食采地也即前犯禾之邑也此邑中民有兄
 死而弟不為兄制服者也聞子臯將為成宰遂為衰
 者此不服兄者聞孔子弟子子臯其性至孝來為成
 之宰必當治前不孝之人恐罪及已故懼之遂制衰
 服也○成人曰蠶則績而蟹有匡者成人謂成邑中
 識禮之人也譏笑不服兄衰仍為設二譬也蠶則績
 絲作繭蟹有匡者蟹背殼似匡仍謂蟹背作匡○范
 則冠而蟬有綏者范蜂也蜂頭上有物似冠也蟬蝟
 也綏謂蟬喙長在口下似冠之綏也○兄則死而子
 臯為之衰者以是合譬也蠶則須匡以貯繭而今無
 匡蟹背有匡匡自著蟹則非為蠶設蜂冠無綏而蟬
 口有綏綏自著蟬非為蜂設亦如成人兄死初不作
 衰後畏於子臯方為制服服是子臯為之非
 為兄施亦如蟹匡蟬綏各不關於蠶蜂也

樂正子春之母死五日而不食曰吾悔之
 勉强過禮



子春曾子弟子
○強其兩反
自吾母而不得吾情吾惡乎

用吾情
○惡音易註同
惡乎猶於何也
○樂正至吾情○正義曰此一節

論孝子遭喪衰過之事樂正子春即曾子弟子坐於
 牀下者是也此其母死五日而不食者禮三日其五
 日過二日○曰吾悔之者悔其不以實情勉强而至
 母死而不得吾之實情而矯詐勉
 強為之更於何處用吾之實情乎

歲旱穆公召縣子而問然
○然之言焉也凡穆或作繆

○旱音汗縣音懸繆音穆
曰天久不雨吾欲暴尫而奚若
○奚若

何如也尫者面鄉天覲天哀而雨之
○雨于付反註及下同暴步上

反下同尫烏光反鄉許亮
 反覲音冀本又作幾音同
曰天則不雨而暴人之疾

子虐母乃不可與錮疾人之所哀暴之是虐人之暴疾子一讀以子字向下與音餘錮音固

然則吾欲暴巫而奚若曰天則

不雨而望之愚婦人於以求之母乃已疏乎已猶

甚也巫主接神亦覬天哀而雨之春秋傳說巫曰在

女曰巫在男曰覲周禮女巫早暎則舞雩覲胡狄反早暎呼

且反雩音于徙市則奚若曰天子崩巷市七日諸侯薨巷

市三日為之徙市不亦可乎徙市者庶人之喪禮

今徙市是憂戚於早若喪于偽反不亦可乎可或作

善歲早至可乎。正義曰此一節論歲早變之事望之愚婦人於以求之母乃已疏乎。縣子



云天道遠人道近天則不雨而望於愚鄙之婦人欲以暴之以求其雨已甚也無乃甚疏遠於求雨道理乎言甚疏遠於道理矣。春秋至曰覲。正義曰所引春秋傳者外傳楚語昭王問觀射父絕地通天之事觀射父對云民之精爽不攜貳者明神降之在男曰覲在女曰巫然案楚語精爽不攜貳者始得為巫在經而云愚婦人者據末世之巫非復是精爽不攜貳之巫也。徙市者庶人之喪禮。正義曰今徙市是憂戚於早若居天子諸侯之喪必巷市者以庶人憂戚無復求覓財利要有急須之物不得不求故於邑里之內而為巷市

孔子曰衛人之祔也離之祔謂合葬也離之有以間

其椁中附音附下同合音魯人之祔也合之善夫

善夫善魯人也祔葬當合也善夫孔子至善音扶

禮記卷之十一 四十四

曰此一節論魯衛得失各依文解之。魯衛兄弟應同周法故並之也。祔謂合葬也。離之謂以一物隔二棺之間於椁中也。所以然者明合葬猶生時男女須隔居處也。魯人之祔也合之善夫者。魯人則合並兩棺置椁中無別物隔之言異生不須復隔穀則異室死則同穴故善魯之夫也。

禮記註疏卷第十

終

禮記註疏卷第十終

禮記註疏卷第十一

漢鄭氏註

唐孔穎達疏

王制第五

陸曰王如字徐于況反盧云漢文帝令博士諸生作此篇

正義曰案鄭目

錄云名曰王制者以其記先王班爵授祿祭祀養老之法度此於別錄屬制度王制之作蓋在秦漢之際又有古者以周尺之言今以周尺之語則知是周亡之後也秦昭王亡周故鄭答臨碩云孟子當赧王之際王制之作復在其後盧植云漢孝文皇帝令博士諸生作此王制之書

王者之制祿爵公侯伯子男凡五等諸侯之上大夫卿

禮記疏

卷之十一

禮記

